

絳

帖

平



平 帖 絳

撰 夔 姜

叢書集成初編

(補印本)

絳 帖 平

一九三九年十二月初版
一九六〇年四月補印

姜

夔

撰

商務印書館出版

上海洪興印刷廠印刷

原序

小學既廢。流爲法書。法書又廢。唯存法帖。法帖乃古人陳迹耳。況數經摹刻。已失筆意。然苟能習之。亦勝面牆。法帖始自貞觀。褚遂良所校。館本十七帖是也。我太宗皇帝。造淳化閣帖十卷。自後有所謂劉丞相沈潭潘尙書師旦絳臨江劉次莊宗氏將字世章汝刻續帖大觀之類。不可勝計。要皆本諸淳化帖。淳化帖今難得。而諸家舊帖亦不易致。絳帖傳至今者。復有三四本。潘師旦所刻爲勝。絳公庫本次之。厥後漫滅。屢經補治。甚至字畫乖謬。嘗以相校。乃知其有三四本也。嘉泰辛酉。予入越。友人朱子大以絳帖遺予。歸而玩之。因爲之本事釋文。名曰絳帖平。按淳化帖王著所集。其間固已真僞混淆。名代爽失。潘氏不悟。又從而刻之。如劉次莊王輔道劉無言諸人。皆嘗刊帖。亦不知其非也。世有劉氏釋文二卷。山谷跋法帖一卷。跋絳帖一卷。評潭帖一卷。秦少游官帖通解六篇。米元章官帖跋一卷。黃長睿刊誤十篇。陳去非校定釋文一卷。俞子才潭帖釋文一卷。祕閣有法帖字證三卷。北方有絳帖字鑑二卷。近日榮芑有絳帖釋文一卷。并說一卷。曾氏釋文一卷。諸家惟黃長睿鑒賞最精。然恨太略。予因絳帖條疏而增備之。使覽者識其真僞。通其義理。然後究其點畫。不爲無益於翰墨矣。若王著以率更爲何氏。東坡以鐵石爲梁人。米老以王恂爲張旭。以晉帖爲羊欣。劉氏以臨海爲諮誨。以修齡爲修郇。諸如此類。不可悉數。皆辨正之。蓋帖雖小技。而上下千載。關涉史傳爲多。惟慚淺陋。考訂未詳。故著其所解。闕其所不解。以俟博識之君子。

緯帖平 原序

嘉泰癸亥五月九日、番陽姜夔堯章序。

絳帖平六卷

提要

臣等謹案絳帖平。宋姜夔撰。夔字堯章。鄱陽人。攷曹士冕法帖譜系云。絳本舊帖。尙書郎潘師旦。以官帖私自摹刻者。世稱潘駙馬帖。又稱潘氏析居法帖。石分而爲二。其後絳州公庫。乃得其一。于是補刻餘帖。是名東庫本。逐卷各分字號。以日月光天德山河壯帝居太平無以報願上登封書爲別。今夔所論每卷字號。與士冕所說相合。然則夔所得者。卽東庫本也。宋之論法帖者。米芾黃長睿。以下互有疎密。夔欲折衷其論。故取漢官廷尉平之義。以名其書。首有嘉泰癸亥自序云。帖雖小技。而上下千載。關涉史傳爲多。觀是書攷據精博。可謂不負其言。惟第五卷內論智果書。梁武帝評書語。武帝藏鍾張二王書。嘗使虞龢陶隱居訂正。案虞龢宋人。其上法書表。在宋孝武帝之世。去梁武帝甚遠。斯則攷論之偶疎耳。據墨莊漫錄。其書本二十卷。舊止抄本相傳。未及雕刻。所載字號。止于山字。其河字以下亡佚十四卷。竟不可復得。然殘珪斷壁。終可寶也。乾隆四十七年二月恭校上。

總纂官內閣學士臣紀昀

光祿寺卿臣陸錫熊

纂修官翰林院侍講臣平恕

絳帖平總錄

宋姜夔撰

敘時

上古

蒼頡

黃帝史撰
鳥迹書

三代

夏禹

仲尼

秦

李斯

丞相上蔡
人撰小篆

後漢

張芝

字伯英弘農
人號曰草聖

史籀

周宣王
時史

程邈

獄吏下杜
人撰隸書

崔子玉

名瑗善
草篆

蔡琰 中郎邕之女

魏

鍾繇 字元常，潁川人。太傅。書苑云：真書絕世，剛柔備焉。點畫之間，多有異趣，可謂幽深無際。古雅有餘。秦漢以來一人而已。

吳

皇象 字休明，青州刺史。善章草八分。沈著痛快。

西晉

武帝 炎，字安世。

衛瓘 字伯玉，錄尚書事。

山濤 字巨源，河內懷人。司徒。書苑云：善正書。

索靖 字幼安，爛熳人。張芝師之。孫征西司馬。草書絕代。

張華 字茂先，司空。

衛恒 瑯子，字巨山。書苑云：善正書，入能品。

陸雲 字士龍，吳郡人。

東晉

元帝 睿

卞壺 字望之，濟陰人，侍中，驃騎大將軍，善草書。

王導 字茂弘，琅邪人，丞相。

王廙 字世將，羲之叔，平南將軍，荊州刺史，侍中，善正書，謹錄法祖述張衛。

王恬 字敬豫，導子，後將軍，會稽內史，草隸當時無與爲比。

王羲之 字逸少，導從子，右軍將軍，會稽內史，亦稱大王。

王徽之 字子猷，黃門侍郎，墨戲云行草隸入中上品。

王渙之

王珣 字元琳，治子。

簡文帝 昱

劉超 字世瞻，琅邪人，官至衛尉。

王敦 字處仲，導兄，大司馬。

王選

王洽 字敬和，恬弟，中書令，領軍將軍，衆書皆善。

王凝之 亦工草隸，江州刺史，左將軍，會稽內史，自凝至獻皆羲之子。

王操之

王獻之 字子敬，中書令，世稱大令。

王珣 字季琰，珣弟，中書令，善正行，自導至珣三世工書。

王歐

字伯輿，導孫蒼子。

王坦之

述子，太原人，丞相。

王劭

字敬倫，建威將軍，吳國內史，導子。

庾翼

字稚恭，車騎將軍，荊州刺史，善草隸，少與右軍齊名。

郗愔

字方回，鑒子，司空，學書於衛氏，尤長章草。

桓溫

字元子，譙國人，丞相，大司馬。

謝萬

字萬石，安弟。

沈嘉

字長茂，吳都人，吳興太守。

紀瞻

字思遠，丹陽秣陵人，好讀參，手自抄寫，驃騎將軍常侍。

王濛

字仲祖，晉陽人，司徒左長史，工草隸，章草俱入能品。

王循

庾亮

字元規，太尉，征西將軍。

郗鑒

字道徽，草書尤絕古而復勁。

郗超

字嘉賓，愔子。

謝安

字安石，太傅，正書入妙品。

張翼

字君祖，下邳人，東海太守，尤善草隸。

劉瓌之

字元寶，沛國人，御史丞，義誠伯。

馬攸

謝發

宋

明帝或

王曇首琅邪人太
子詹事

謝瑤伯

羊諮

孔琳之字彥林山陽人墨戲云放縱快健
筆墨流利二王之後雖其比肩

薄紹之字敬叔丹陽人書苑云善正
書入妙品與羊欣並師小王

齊

高帝道成

梁

絳帖平 總錄

衛夫人名鑠字茂漪尤善鍾法正書入妙
品如碎玉壺之冰閑瑤臺之月

劉穆之字道和東莞莒
人侍中司徒

羊欣字敬元泰山南城人史
云尤長隸書中散大夫

謝莊字希逸
中書令

司馬攸

蕭思話南蘭陵人鄆州刺史加都督受學
羊欣得行書之法史云頗工隸書

王僧虔珣孫弱冠工書祖逸小王
尤尙古直尙書令簡穆公

絳帖平 總錄

武帝衍

蕭確 字仲正，邵陵王綸之子，有書名。

王筠 僧虔之孫，尚書。

陳

永陽王伯智，書苑云：善行書。

隋

僧智果 書苑云：工書銘石，煬帝甚善之，行書入能品。

唐

太宗 世民，書苑云：工草隸。

歐陽詢 字信本，長沙人，太子率更令，名書贊云：格氣俊逸，如孤峯之崛起萬仞，而四面削成。

沈約 字休文，吳興武康人，特進光祿大夫。

阮研 字文幾，陳留人，師逸少，正書入能品。

陳達

高宗 治

虞世南 字伯施，上虞人，祕書監，名書贊云：用意沈靜，如登太華，百盤九折，委曲而入杳冥。

褚遂良

亮子。右僕射。名書贊云。如皇王奉道。娛樂自安。國史異纂云。少則服膺虞監長。而師祖右軍正書。甚得其媚趣。

褚庭誨

時人謂之小褚。

陸柬之

李嗣真云。柬之學虞。名書贊云。酷隋奇變。如天陂偃蓋之松。節節奇勁。

薛稷

河東人。太子少保。師褚遂良。正行入能品。

李邕

善子。陳州刺史。善行書。時稱李北海。

張旭

吳郡人。時號張長史。書苑云。以草書得名。亦甚能小楷。蓋虞褚之流。

懷素

字藏真。長沙僧。

宋儋

字藏諸。開元中人。名書贊云。如幽澗餘花。空庭驟雨。悉心鍾衛。兼善歐陽。

顏真卿

字清臣。琅琊臨沂人。太子太師。善正行書。周越云。真卿正書。結筆瀟秀。而尤尙字學。可謂書之大雅矣。陸羽嘗論其得藝之筋骨心肺也。

柳公權

字誠懸。善正行書。初學王書。偏閱近代筆法。體勢勁媚。自成一家。

徐嶠之

洛州刺史。名書贊云。楷行草三者備敵。

僧高閑

善草書。

五代

緯帖平 總錄

錢俶

吳越國王
書入神品

皇朝

太宗皇帝

李建中

學王書號
李西臺

以上古人帖中所題或時代差誤。或官稱爽失。或名字乖落。今以正史及雜書校之。皆得其正。其不可考者。姑因帖之舊文。並以諸書所稱其人能書之實。各條於下。然古之能書者衆矣。帖中十未得一。他皆罕傳。而所傳者又半是僞迹。可歎也。

人名

日

仲尼書

有吳君子

吳季子

史籀書

敬州琵琶

唐人唐

古法帖

散騎二君

見山字卷

長史斷關

晉司徒左長史王濛司徒左長史王廙大司馬長史王植之

衛夫人

規模鍾繇

已見

懷素

真書過鍾繇

已見

月

張芝

祖希時面

晉張玄之字祖希嘗爲冠軍將軍

不見奴

王右軍家兒小名見右軍帖如所謂官奴與奴小奴者

鄱陽

王康嘗爲鄱陽太守故二王帖多稱鄱陽或云鄱陽歸鄉或云鄱陽一門或云鄱陽歲使

絳帖平

總錄

玄日具問

晉吳興太守張玄之會稽內史謝玄同時人

草不憾張

張芝已見

冠軍整暢釋

侍郎

郗愔或是范武子皆王氏姻並爲中書侍郎

絳帖平 總錄

鍾繇

文若

魏荀爽字文若

松等隕慟

松見王右軍帖

中郎

邨曼

光

庾亮

媿子

媿母也當是小兒名

沈嘉

沈嘉長

沈嘉字長茂帖云沈嘉長誤矣嘉善草書

索靖

及計來東

計上計使日部古帖云計至故應必有秀亦同

奉事先帝

謂魏武

郝還未

王獻之婦

范母子

范王氏甥范武子也後云范新婦破荒帖云范生皆此人以上四條皆右軍時人誤作鍾帖

王坦之

已與謝郎

當是謝安

詣公自陳

當是王彪之或會稽王道子

王渙之

倫

王氏女右軍云倫等還殊慰意子敬云常欣倫早成家豈謂奄失此女下云倫奴同

直

王氏女子敬云此來得直疏又第六卷小國帖云得華直疏

姑如復小勝

右軍妹嫁曹氏渙之姑也右軍帖曹妹可耳

王操之

得識婢書

婢王家兒女小名右軍云小婢比小下子敬云靜婢自常不和又云婢日夕疏意慰又云婢腹痛

不得姜順消息

姜順王氏女大令帖所謂華姜者也右軍云告姜道等平安子敬云秀順至慰意知姜順是兩人

王凝之

郝中書

楷

庾氏女

王家女適庾氏者猶淵明言程氏妹也

陸雲

絳帖平

總錄